



8
767
11

v 006A

act. Nr. 248

Jünius, Pr., defensio (I.)

n. 3 weitere handschriften

J

M. VII. 91.



COMPENDIUM

THESIVM SAMVELIS

HUBERII

DE VNIVERSALI RE-

DEMPTIONE GENERIS HVMANI,

FACTA PER CHRISTVM

IESVM,

Contra Calvinistas.



TUBINGÆ

Excudebat Georgius Gruppenbachius.

1590.

PIÆ ET DOCTÆ IUV-
uentuti in alma Academia
Tubingensi,
S. D.



THESES DE VNIVERSALI RE-
demptione Christi, de quibus per gratiam Dei,
præsidi Reuerendo & Clarissimo Viro, Domi-
no Stephano Gerlachio, Doctore & Professore,
SS. Theologiæ, disputabitur, creuerunt tantope-
rè, doctissimi iuuenes, vt verear aliquibus vix tantum pecu-
niæ suppetere, vt ñs sibi cõparatis, ad disputationem se instrue-
re & armare possint. Neque mea sanè res ita abundat, vt sin-
gulis possim, pro solito & laudabili Academiæ huius more, ex
meo comparare & largiri. Itaque visum est, illa, quæ prolixius
sunt pertractata, in vnum, quoad eius fieri potuit, volumen
contrahere, vt & vobis & mihi, si ita opus videbitur, in mi-
nuendis sumptibus prospicerem. Qui itaque libellum mearum
Thesium non acquirere sibi poterunt, eis hoc vti licebit com-
pendio. Respondetur argumentis contra has Theses obiectis,
æquè, ac si contra Theses, in opusculo meo comprehensas, ob-
ijcerentur. Petimus autem maiorem in modum, vt qui libel-
lum emere possunt, contra Theses in illo positas sese instruant,
& obijciant quæ possunt: & examinentur prolixæ illæ, sen-
tentia nostræ probationes. & confutationes argumentorum
aduersæ partis: & experiamur, quàm solide ex verbo Domini
veritas asserta, & impia aduersariorum doctrina confutata sit.

Samuel Huberus.

Compendium Thesium

Samuelis Huberi,

DE VNIVERSALI

REDEMPTIONE GENERIS

humani, facta per Christum
Iesum.

Thesis I.



CHRISTVS IESVS, FILIVS DEI
vnigenitus, passus & mortuus est pro toto genere
humano, nemine omnium hominum excepto.

2. Calvinista id negant tum dissimulanter tum
apertè: & Christianam Religionem isto manifesto
& apostatico scelere funditus euertre conantur.

3. Dissimulanter faciunt, cum suam, quam de Prædestinatione
finxerunt, θεομαχίαν indefinenter vrgent: quæ per, eò spectat, vt op-
presso nomine Christi, Christianæ religionis caput extingatur.

4. Ob horrificum autem facinus reprehensi, & apostatici huius
erroris conuicti, aliqui vt primùm se in isto crimine infames esse factis
cernunt: alio insuper dissimulationis pallio felus inuoluunt, & dicunt,
Christum sufficienter pro omnibus esse moruum, non autem efficienter.

5. Vocabulum (Sufficienter) irea significatione acceptum, in
qua pia antiquitas accepit, non auersumur, sed probamus potiùs: Ve-
rùm Calvinista fabricantes sinistræ & equiuocam vocabuli significa-
tionem, fucum eo simplicioribus faciunt.

6. Hoc enim volunt: Christi mortem ad eò esse potentem, vt si ea
vellet omnibus hominibus succurrere, perfacile id posset.

7. Verùm, vt videat venenum medicatum: negant simpliciter,
Christum peccata totius generis humani in se recipere voluisse: quippe
multos, & plerosq; quidem homines, in hunc finē à Deo cõditos esse, vt pe-
reant, eamq; ob causam, nullam etiã ab æterno eis gratiã à Deo decretam
esse: vt licet sufficeret pro omnibus mors Christi, attamen quamplurimis
nunquam sit à Deo destinata.

A 2

8. Istos

a In Thefib. Mum-
pel. & Resp. 1. atque
Resp. 2.
b Thef. veræ &
orth. doct.
c Apol. Bibl. suo-
rum.
d Disp. num Chri-
stus pro omnibus
mortuus.

8. Istos lucifugas iam superant, a Theodorus Beza, b D. Ioan. Jacobus Gryneus, c David Paræus, & d Daniel Tossanus, qui clara & perspicua voce hanc à Christo & Euangelio ipsius manifestam apostasiam toti intonant Christiano orbi.

9. Afferentes falsum, fictum, blasphemum, impium, scelestum & intolerabile esse, docere, Christum pro toto mundo mori voluisse, aut mortuum esse: sed duntaxat pro aliquibus, in secreto & ἀπὸ πύργου conclusis consilio Dei.

10. Nos contra asseueramus, Euangelij veram, solidam, inconcussam, constantemq; doctrinam esse, Christum non solum potuisse sua morte omnium misereri, si voluisset, sed omnium esse reipsa, & opere ipso misertum, & seipsum non minus pro quouis infideli, quam pro quouis fideli, tradidisse in victimam pro peccato, nimirum, ut omnes, quotquot sunt homines, liberaret à morte, Diabolo & inferno.

11. Hoc opus, inquam, pro omnibus prestitit, & vult ex animo, ut vnusquisque tantum collatum beneficium sibi per fidem vindicet. Qui credunt Euangelio, & in fide perseuerant, saluantur: qui verò Euangelio non credunt, aut cum crediderint semel, & postea (ut aliquibus fit) à fide deficiunt: excidunt acceptà gratià, & condemnantur.

12. Hinc fit, ut aliqui saluentur, aliqui verò condemnentur.

13. Quanquam autem aliqui non credant: non tamen propter horum incredulitatem diuendum est, Christum non fecisse, quod se fecisse in vniuerso Euangelio suò clamitat: & hominum incredulitas veritatem facti non tollit aut abrogat.

14. Pro toto autem genere humano esse mortuum, tres sunt argumentorum classes: quibus euerendis omnis conatus erit irritus, nisi priùs qui hoc tentant, scripturam falsitatis arguant & conuincant.

15. Prima classis est eorum argumentorum, in quib. vniuersalitas expressè cõtinetur, quæ super omnes & singulos homines extenditur.

a Genes. 22.
b Esa. 53. Ioan. 1.
c 1. Ioan. 2.
d 1. Tim. 2.
e 2. Cor. 5. Heb. 2.
f Ioan. 3. & 12.
g Ioan. 17.
h Rom. 5. 1. Corinth. 15.

16. Ut cum legimus: a Omnes Gentes esse benedicendas in Christo: b Christum omnium peccata tulisse: c pro omnibus factum esse propitiationem: d semetipsum dedisse pro omnibus: e mortuum esse pro omnibus: f venisse, ut saluaret mundum: g omnem carnem ei à Patre esse datam, ut omni daret vitam: h Quotquot per Adamum sint mortui, per Christum esse viuificatos.

17. Ab



17. Ab hac generalitate nullus hominū excipitur, omnes enim & singuli homines, tanquam species & individua, huic includuntur generi.

18. Atque hæc generalitas redemptionis, includens totum genus humanum, ubiq; in sacra Scriptura posita;

19. Et in vniuersa Ecclesia Christi omnibus temporibus credita,

20. Aequè est firma atque certa, atque illa, cū legimus & credimus, a omnes in Adamo esse mortuos, b omnes homines esse mendaces, c omnes declinauisse, d omnes esse sub peccato, e omnes conclusos esse sub incredulitate, f ex vno sanguine esse factum totum genus humanum.

a Rom. 9.
b Rom. 3.
c Rom. 3.
d Rom. 3.
e Rom. 11.
f Act. 17.

21. Sicut istæ propositiones non possunt particulariter accipi, ita neque hæ: quia sibi mutuo sunt in eodem respectu oppositæ.

22. Altera classis argumentorum est, vbi in sacra Scriptura, non genus tantum, sed etiam species, imò individua nominantur, tam eorum, qui credunt, & saluantur, quàm eorum, qui non credunt, & non saluantur. Quibus omnibus Christus venit saluator. De credentibus nulla est questio.

23. De non credentibus tales sunt perspicui & aperti loci, cū scriptura dicit: a Eos fuisse Christo insitos: b eis remissa fuisse debita: c Christum pro eis esse mortuum: d & à Christo fuisse pretio emptos: e eos obliuisci purgationis veterum peccatorum: f excidere eos gratiâ: g rursus implicari peccatis: h redire ad vomitum: i denuò sibiipsis crucifigere Christum: k sanguine Christi fuisse sanctificatos: l Iudam à patre fuisse datum Filio.

a Ioan. 15. Rom. 11.
b Matth. 18.
c Rom. 14. 1. Corinth. 8.
d 2. Pet. 2.
e 2. Pet. 1.
f Gal. 3. Heb. 2.
g 2. Cor. 6.
h Rom. 11.
i 2. Pet. 2.
j 2. Pet. 2.
k Heb. 6.
l Heb. 10.
m Ioan. 17.

24. De incredulis & pereuntibus sonant isti enumerati loci, & docent, eos à Christo quoque redemptos fuisse.

25. Qui huic scripturæ veritati vel tantillum derogant, in vniuersum nihil tribuent scripturæ, & eius veritatem tueri non possunt, nec pro se, nec contra alios.

26. Vnde emergit tertia argumentorum classis, quæ ostendit stupenda illa absurda, quæ necessariò ex Caluiniana doctrina sequuntur.

27. Primò in dubium vocatur tota Christiana religio & fides.

28. II. Scripturæ talis asciscitur facies, vt veriùs mendacissimo Alcorano, quàm Dei æternæ veritati similis fiat.

29. III. Damnatur Ecclesia Catholica & vera, quæ credidit.

& vno ore semper confessa est, Christum esse mortuum pro omnibus hominibus.

30. IIII. Homines adiguntur ad desperationem, cum nulli omnium hominum de salute sua quicquam constare possit.

31. V. Ponunt enim principium ad fallendum & decipiendum animas mero astu à Diabolo inuentum: quod est consequentia ex puris constructa particularibus. Exempli gratia: Christus pro aliquibus duntaxat est mortuus: ergo etiam pro me mortuus est.

32. VI. Verum ista consequentia homines deludi, à verbo repelli, & in desperationem adigi, cuius iudicare per facile est.

33. VII. Abrogatur vniuersum Euangelium, cum porro nemo sciat, & quid, & cui predicandum sit.

34. VIII. Sacramenta tolluntur: cum baptisatis nulla certa promittatur gratia & salus: & Christi corpus atque sanguis nulli possit exhiberi pro certo: & pro certo à nullo accipi.

35. IX. Accusatur Deus fraudis, quod aliud dicat, & aliud sentiat.

36. X. Accusatur execrabilis mendacii, quod verbo afferat ea, quæ ipsemet stricto iudicio suo oppugnatum veniat.

37. XI. Accusatur Christus, quod falsa passione, falsoq; Euangelio deluserit primò Deum, à quo aliud mandatum, & sacrosanctum quidem, æternum & inuiolabile, nimirum pro paucis tantum moriendi, acceperit, quàm re ipsa præstiterit: cum fateatur, se non pro paucis tantum esse mortuum, sed pro toto mundo, toto nimirum genere humano: quod esset contra consilium, beneplacitum & decretum Patris sui: deinde homines, cum tanta spe ora hominum suspendat, quasi pro omnibus esset mortuus, cum tamen, vt Calvinistæ fatentur, nihil insanius, & mendacius dici & excogitari poterat. Vnde si ita res se habet, æstimandus est Christus, quod inani passione Deum vel homines deluserit: imò vitiosa passione & Deo & hominibus illuserit.

38. XII. Sequitur & hoc: quod immensus & sanctus ille Deus Zebaoth, præsertim si isti suæ doctrinæ suam de Predestinatione culmen imponant Calvinistæ, quod dudum fabricarunt, meritò accusetur crudelitatis, libidinis, & τὴν χάριν ἐξαλείψας, iniustitiæ, & breuiter pessimorum scelerum.

39. XIII. Ita,

39. XIII. Ita, vt prestaret Manichæorum, quàm Calvinistarum gurgitibus absorberi: siquidem hi Deo, quem bonum nuncupant, originem & propagationem mali assignant: illi verò bono bona, & malo mala tantum assignarunt.

40. XIII. Et prestaret, quamuis religionem potiùs, quàm Calvinistarum sectari.

41. XV. Doctrinam horribiliorem, & quæ conscientias velociùs atque miseriùs comprimat & suffocet, omnemq; gratiæ diuinæ gustum præcidat, nulla ætas, & nulla apostatarum colluies vnquam excogitauit, quàm ista Calviniana lues.

42. Idq; iusto iudicio Dei, siue Ecclesiam respicias, quæ de fraudibus & imposturis huius sectæ sæpè monita, suum periculum non satis perpendere visa est: siue istos seductores respicias, qui cum Christum magnis clamoribus cœnâ suâ exturbare, in cœlum relegare empyreum, nostras ad eum cum λόγῳ unitum preces damnare cœperint, digni sunt, qui isto repleantur spiritu reprobò, cuius virtute & operatione incipiunt totum conuellere Euangelium Iesu Christi.

43. De istis non loquimur iam, qui eorum κυβεία sunt seducti: de his speramus, quòd agnita ista pastorum suorum nequitia, ad pœnitentiam flecti possint.

44. Est autem ista hominum insana & furiosa malignitas, atque versutia aduersus Dei nomen excelsum, præludium stragis Ecclesiæ occidentalis, oritura indubitanter, nisi huic malo occurratur.

45. Et multò manifestius, quàm Mahometismus olim fuit orientali. Quia ad nomen illud infaustum etiam quoduis Christianum peccatus contremiscere, & Satana ludibrium agnoscere potuit: iam aut isti seductores, idem malum importantes, mira id vndique oblinunt fraude.

46. Intenti huic stratagemati, vt Christum totum primò ex cordibus, deinde ex scriptura, denique ex Ecclesia profligent.

47. Occurramus itaque huic Calvinianismo in virtute & gratia Dei, atque fraudes eius vbique patefaciamus, & per verbum Dei confundamus, Deus adstet sanctificationi nominis sui. A M E N.

Faint, illegible text, likely bleed-through from the reverse side of the page. The text is arranged in several paragraphs and is difficult to decipher due to its low contrast and the texture of the paper.



155767

AB: 155767

ducam
dn̄ 71

ULB Halle

3

004 975 669






GIBT

SED VBI ICH LES SPRECHT
VASER GOYT WIL ICH NI





COMPENDIUM

THESIVM SAMVELIS

HUBERI,

DE VNIVERSALI RE-

DEMPTIONE GENERIS HVMANI,

FACTA PER CHRISTVM

IESVM,

Contra Calvinistas.



TUBINGÆ

Excudebat Georgius Gruppenbachius.

1 5 9 0.

